

Broj: 01-14-5-221/23-3  
Sarajevo, 09.10.2023. godine

Na osnovu člana 70. stav (3) Zakona o javnim nabavkama Bosne i Hercegovine («Službeni glasnik BiH», broj: 39/14 i 59/22) i Zapisnika o ocjeni ponuda Komisije za provođenje postupaka zajedničkih javnih nabavki za Federalno ministarstvo pravde i kazneno-popravne zavode, broj: 01-14-5-221-1/23-1-Z-2 od 04.10.2023. godine, federalni ministar pravde, donosi

### **ODLUKU** **o izboru najpovoljnijeg ponuđača**

#### **I**

U postupku javne nabavke usluga iznajmljivanja softvera i opreme za elektronski nadzor osuđenih osoba i tehničke podrške pri elektronskom nadzoru za 36 mjeseci, putem otvorenog postupka s jednim dobavljačem i e-aukcijom, za potrebe kazneno-popravnih zavoda u FBiH, dodjeljuje se okvirni sporazum ponuđaču OPUS d.o.o. Mostar, cijena ponude 2.850.000,00 KM bez PDV-a.

#### **II**

Izabrani ponuđač je obavezan dostaviti dokaze o kvalifikaciji ponuđača iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14, 59/22), u roku od 5 dana računajući od dana zaprimanja obavijesti o rezultatima ovog postupka javne nabave.

#### **III**

Ova Odluka dostavlja se svim ponuđačima koji su učestvovali u predmetnom postupku javne nabavke, a u skladu sa članom 70. stav (2) Zakona o javnim nabavkama.

#### **IV**

Odluka stupa na snagu danom donošenja

### **O b r a z l o ž e n j e**

Odlukom o pokretanju postupka zajedničke javne nabavke putem otvorenog postupka, broj: 01-14-5-221/23 od 31.07.2023. godine pokrenut otvoreni postupak javne nabavke za dostavu ponuda za Usluge iznajmljivanja softvera i opreme za elektronski nadzor osuđenih osoba, tehničke podrške pri elektronskom nadzoru za potrebe Federalnog ministarstva pravde i kazneno-popravnih zavoda Federacije Bosne i Hercegovine shodno Tenderskoj dokumentaciji, broj: 01-14-5-221-1/23 od 31.07.2023. godine.

Javna nabava je objavljena na Portalu javnih nabavki dana 01.08.2023. godine pod brojem: 1134-1-2-25-3-40/23. Nakon isteka roka za podnošenje ponuda evidentirano je da su za predmetnu nabavku dostavljene ponude dvije ponude, i to OPUS d.o.o. Mostar i Konzorcij BH Telecom d.d. Unibox d.o.o i Enigma Systemy Ochrony Informaciji sp z.o.o. Ponude su otvorene dana 18.09.2023. godine u 11:00 sati, a što je konstatovano u Zapisniku o otvaranju ponuda, sa cijenama kako slijedi:

1. OPUS d.o.o. Mostar, cijena ponude 2.850.000,00 KM bez PDV-a
2. Konzorcij BH Telecom d.d. Unibox d.o.o i Enigma Systemy Ochrony Informacji sp z.o.o, cijena ponude 2.746.500,00 KM bez PDV-a.

Komisija za provođenje postupaka zajedničkih javnih nabavki za Federalno ministarstvo pravde i kazneno-popravne zavode u fazi evaluacije ponuda u skladu sa Tenderskom dokumentacijom tač. 3.2.3. Tehnička i profesionalna sposobnost (članak 50. ZJN) pozvala je dana 25.09.2023. godine ponuđače na prezentaciju dostavljene opremu za elektronski nadzor. Dana 25.09.2023. godine, izvršena je prezentacija dostavljene opreme. Nakon održane prezentacije tehnički eksperti dipl.ing.elektrotehnike Ramiz Zajmovića i dipl. ing.elektrotehnike Dario Perić su pripremili Izvještaj o održanoj prezentaciji po pitanju tehničkih karakteristika koji je dostavljen dana 04.10.2023.godine. Dana, 04.10.2023. godine, Komisija za provođenje postupaka zajedničkih javnih nabavki za Federalno ministarstvo pravde i kazneno-popravne zavode je nastavila evaluaciju ponuda. Zapisnikom o ocjeni ponuda br. 01-14-5-221-1/23-1-Z-2, a na temelju pregleda ponuda i Izvještaja o održanoj prezentaciji po pitanju tehničkih karakteristika konstatirane su sljedeće činjenice:

1.Konzorcij BH Telecom d.d. Unibox d.o.o i Enigma Systemy Ochrony Informacji sp z.o.o je dostavio opremu proizvođača ENIGMA. Prezentacija i podešavanje opreme rađeno je putem softverske platforme instalirane na serverima BH Telekoma. Konzorcij je, na zahtjev komisije, prezentirao mogućnosti opreme u skladu sa traženim zahtjevima iz Liste saglasnosti. Utvrđeno je da ponuđena oprema zahtjev rednog broja 15 Liste saglasnosti, koji se odnosi na nadzornu stanicu MU i koji glasi „Komunikacija sa centralnim nadzornim sistemom mora biti moguća putem fiksne telefonske linije, mobilne telefonske linije kao i mogućnost za komunikaciju automatskim prebacivanjem sa jedne vrste komunikacije na drugu u slučaju ispada“ ne zadovoljava. Tokom prezentacije utvrđeno je da nadzorna stanica MU ima ugrađenu SIM karticu za komunikaciju putem GSM mreže i nema mogućnost priključenja fiksne telefonske linije. Zbog toga nije ispunjen kriterij iz Pozicije 15 Liste saglasnosti jer ponuđeni uređaj nema ni mogućnost za „komunikaciju putem fiksne telefonske linije“ te tako nema ni mogućnost „automatskim prebacivanjem sa jedne vrste komunikacije na drugu u slučaju ispada“.

Utvrđeno je da zahtjev rednog broja 20 Liste saglasnosti koji glasi da uređaj: „Mora imati mogućnost detekcije svih narukvica (PID) na udaljenosti do 200 metara“ i rednog broja 21 koji glasi „Mora moći osigurati razlikovanje svih narukvica (PID) u nadziranoj zoni“ ponuđena oprema nije zadovoljila. Ponuđena oprema dostavljena ponudom ponuđača nema mogućnost istovremenog praćenja više narukvica (PID) u svom okruženju.

Zbog svega navedenog na osnovu utvrđenih činjenica tokom prezentacije mogućnosti opreme sukladno zahtjevima Liste suglasnosti u odnosu na tačku 15, tačku 20 i tačku 21. Liste saglasnosti, ponuđena oprema Konzorcija BH Telecom d.d. Unibox d.o.o i Enigma Systemy Ochrony Informacji sp z.o.o ne zadovoljava, odnosno ista je nepravilna - nije u skladu sa zahtjevima iz tenderske dokumentacije Aneks 3 - tehnički opis ( lista saglasnosti).

S obzirom da oprema ovog ponuđača nije zadovoljila 3 (tri) od ukupno 42 eliminatorna uslova Liste saglasnosti, Komisija je konstatirala da ponuda Konzorcija BH Telecom d.d. Unibox d.o.o i Enigma Systemy Ochrony Informacji sp z.o.o ne može biti tretirana kao kvalifikovana i eliminirana je iz daljnje procedure.

2.Ponuđač OPUS d.o.o. Mostar je dostavio opremu proizvođača ATTENTI. Prezentacija i podešavanje opreme rađeno je putem softverske platforme instalirane na serverima koji se nalaze u prostorija kompanije OPUS d.o.o. u Mostaru. OPUS d.o.o. Mostar je prezentirao mogućnosti opreme u skladu sa traženim zahtjevima iz Liste saglasnosti. Sve zahtjeve od rednog broja 1 do 42 Liste saglasnosti ponuđena oprema je zadovoljila, pa je ponuda ponuđača OPUS d.o.o. Mostaru ocijenjena kao prihvatljiva.

Na osnovu ovako utvrđenog stanja, Komisija je u daljem toku postupka vrednovala ponudu shodno utvrđenom kriteriju "najniža cijena" i utvrdila Rang - listu kvalifikovanih ponuda:

1. Opus d.o.o. Mostar, cijena ponude 2.850.000,00 KM bez PDV-a.

Članom 3. stav (3) Pravilnika o uslovima i načinu korišćenja e-aukcije („Službeni glasnik BiH“, br. 66/16) propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona, zbog čega je prihvaćena preporuka Komisije da se donese:

Odluku o dodjeli okvirnog sporazuma ponuđaču Opus d.o.o. Mostar sa cijenom ponude 2.850.000,00 KM bez PDV-a.

Cijeneći navedeno, federalni ministar pravde je donio odluku kao u dispozitivu.

**Pravna pouka:** Protiv ove odluke može se izjaviti žalba Uredu za razmatranje žalbi Bosne i Hercegovine putem ugovornog organa u roku od 10 (deset) dana od dana prijema odluke.

Dostavljeno:

- Ponuđačima x 2
- Komisija za javne nabavke
- Arhiva



MINISTAR

*Vedran Škobić*  
Vedran Škobić